

## Transkription von Stadtbucheintrag BLN 1394c

Ort, Datierung: Berlin, 1394-02-18

Signatur: Landesarchiv Berlin, Stadtbuch, 125-126, j verso - ij recto

Inhalt: Rat der Stadt Berlin: Rentenbrief, Rat der Stadt Berlin: Priesteramtsvergabe

Wy Radman(n)e old vn(de) nye / tu B(er)lin Beken(n)e(n) Et cet(er)a / dat wi der  
krem(m)enbok(er)ynne(n) // vnser Borg(er)sche(n) vn(de) ore docht(er) / kind i(n) deme klost(er) tu  
spandow / Berehouis docht(er) vif schok b(emischer) g(roschen) vorkouft hebben <sup>1</sup> vn(de) het der stad  
briff di steit / alse Rutgers we(n) dat or briff / steit tu twe(n) liue(n) dat gelt von / eine tu den  
andere(n) tu steruene /

Wy Radman(n)e old vn(de) Nye / tu Berlin Bekenne(n) ope(n)bar / dat wi befolen hebb(e)n vn(de)  
gedan / deme erliken prister Er Michele / klosterwolde . dy wile he leuet / des hilge(n) geistes Capelle  
met / deme houe Rente un(de) met aller / olden tuhorunghe tu vorstande / truweliken an geistlike(n)  
dinge(n) / missen tu holden vn(de) deme houe / an gebuwe vortuwesen vnd / ok deme gesinde des  
houes flite=/like tu vorstande , arme lude dy i(n) / deme houe sint vn(de) di noch na / na vnsen willen  
darynne kome(n) / moge(n) . dy sal he spisen na vnsen / rade Gesinde vn(de) arbeides lude / sal he i(n)  
deme houe setten vnd / vntsetten als wi vnd he daran / des houes beste der kennen / Ok sal he vns von  
des houes / Rente Rekenscap holde(n) wen / vn(d) wûe dicke wi dat an em / muden Worde au(er) Er  
michil / so old vn(d) krank dat he deme / gude nicht kunde vorsyn so mach / he tu sich i(n) deme  
houe nemen / eyne(n) Capellan di dat gud von / syn(er) wegen vorsteit den Capplan / sal he begude(n)  
na vnsen rade / Auer na Er michil(en) dode so sal / alle dat gud dat he i(n) deme houe / getuget vnd  
gebracht het bliue(n) / in deme houe su(n)der alle manu(n)ge / geistliker vn(d) werliker p(er)sonen /  
Vortm(er) sal Er michil der stad gebide / an p(er)de vn(d) an wagendinste vn(d) / an ander rechticheit  
Bullen vn(d) / Beren flitlike holden vn(d) an and(er) / stucken alse di stad von older y vn(d) y i(n)  
deme houe het gehat / Ok wil wi Er michile vn(d) syn / gesinde vm(m)e des houes nod vor/dedingen .  
alse wi best moge(n) vn(d) / kone(n) . Tu orkunde is vns(er) stad (et cetera) / Gegeu(en) na god(es)  
gebord dusent dri=/hu(n)d(er)t vn(d) xciiij des middewekes / vor petri vm(m)e vastelauend /

---

<sup>1</sup> "vorkouft hebben" eingefügt